



UNIVERSITÄTS-
BIBLIOTHEK
PADERBORN

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 119. Benedictio Chordæ.

[urn:nbn:de:hbz:466:1-64103](#)

est erētam in omni Loco Sacra Congregatio. (Quod est ampliandum ad illam Doctrinæ Christianæ juxta literas circulares Innocentii XI. Episcopis directas 22. Junii. 1686. Vide Officiale Curie quo ad Confraternitas.)

CXVI. *T*quia multi dubitant; an in revocatione Indulgentiarum olim concessatum Personis religiosis censeantur etiam revocatae Indulgentiae concessæ Ecclesiis Regularium, & visitantibus illas, omnimodi resolvit S. Congregatio: hanc revocationem nullatenus extendendam ad Indulgentias concessas Ecclesiis Regularium; cum Revocatio aperte tangat solum gratias concessas Personis Regularibus. Romæ 27. Sept. 1607.

*P. Cardinalis Arigone Prefectus,
Dominicus Maria Peregrinus
Secretarius.*

CXVII. *D*Emum circa Sepulturam Chordigerorum utriusque Sexus, S. Congregatio Episcoporum & Regularium, in Controversia Seno-Galliae. Die 22. Nov. 1580. sic observari mandavit: quod (ubi adest Sepultura communis pro Chordigeris in Ecclesia Fratrum Minorum, ubi est erēta Confraternitas) sepeliantur in ea; ubi vero non est talis Sepultura; moderentur, sicut cæteri Sæculares, & sepeliantur in Parochiali Ecclesia: si non sibi elegerint aliunde Sepulturam. In Registro S. Cong. Episcop. & Reg. fol. 1. Videatur Theatrum Regularium verbo: Confraternitates.

*Modus cingendi Chordâ Personam qua
cupit aggregari huic Archi-Con-
fraternitati. &c.*

CXVIII. *S*i qua Persona perat adscribi Archi-Confraternitati Chordæ; Superior moneat talem, ut primò confiteat Vinea Seraphica.

tur, & communicet; & ut isto die (quo sancto Francisci funiculo cincta fuerit) luctetur Indulgentiam plenariam, dicatque tali Admissæ ad Confraternitatem; quod omni die oret devotè quinque Pater, & Ave Maria; ad honorem quinque Vulnerum Christi, impressorum corpori vivo S. Patriarchæ FRANCISCI. Non ex obligatione: sed ex pietate & devotione; dñeque notitiam primatarum Indulgentiarum, & Gratiarum concessarum Adscriptis huic Confraternitati. Adscriptumque vel Adscriptam libro inscribat.

Benedictio Chordæ.

CXIX. *A*djutorium nostrum in nomine Domini.
Resp. Qui fecit cælum & terram.
Vers. Dominus vobiscum.
Resp. Et cum spiritu tuo.

OREMUS.

Omnipotens & misericors Deus: qui Filium tuum vinculis humanitatis nostræ præcinctum, etiam in Passione (ut nos à peccatorum nexibus solveret) funibus ad columnam ligari voluisti, quique B. P. N FRANCISCUM famulum tuum eisdem ornare dignatus es; oramus immensam clementiam tuam: ingenti Benedictione hanc Chordam benedicere & sanctificare digneris: ut quicunque eā cinctus (cincta) fuerit; per Passionem Filii tui, & Seraphici Francisci intercessionem, à peccatorum suorum laqueis liberetur. Per Christum Dominum nostrum. Amen.

*Aperget Chordam aquâ benedictâ; &
quando cingit Chorda Confratrem, vel Con-
fessorrem. dicat. &c.*

Accipe Chordam super lumbos tuos; ut sint lumbi tui præcincti in signum Castitatis, & Temperantiae. In nomine Patris, & Filii, & Spiritus Sancti. Amen.

R

Modus

MODUS

Servandi Processionem menstruam quæ singulis mensibus relinquitur dispositioni Superiorum localium.

*MODUS SEU FORMULA
Ad induendum puerum, vel puellam pro aliquo Voto.*

CXX. **A** Djutorium nostrum in nomine
¶ Domini.
¶ Qui fecit cælum & terram.
¶ Domine exaudi orationem meam.
¶ Et clamor meus, &c.
¶ Dominus vobis cum.
¶ Et cum spiritu tuo.

OREMUS.

Domine JESU Christe, qui pro nostra salute suscipiens humānam naturam te vestimento carnis induere dignatus es; Benedictione sancta tua benedicta dic ista parvula vestimenta: quæ pro gratiis tibi exsolvendis, cum omni devotione, sanctoque Voto, ac veneratione Beatissimæ V. Mariæ; infans iste [puella ista] super se suscepturus (susceptura est) infunde in eum [eam] quæsumus: tuam sanctam Benedictionem: ut cum primùm induerit hoc Religioni simile vestimentum; intercedente B. FRANCISCO, descendat super eum (eam) gratia tua, & protegat illum (illam) ab omni malo mentis, & corporis. Qui vivis, & regnas cum Deo Patre. &c. Amen.

Cum vero exuit eum suis vestibus, dicat:
ERipiat Dominus de corde tuo sœculi pompas; quibus abrenunciasti, dum Baptismum suscepisti.

PSALMUS.

Eripi me Domine ab homine malo: à viro iniquo eripe me.

Eripi me de inimicis meis Deus meus: Et ab insurgentibus in me libera me.

Eripi me de operantibus iniquitatem: Et de viris sanguinum salva me.

Gloria Patri & Filio. &c.

*Postea induat eum cappâ, & Scapulari.
Et antequam cingat, dicat:*

IMmittat in te Dominus Zonam Justitiae; Ut immaculatus conserves omnia Mandata sua. *Psalmus: Laudate Dominum in Sanctis ejus. &c.*

Deinde dedit ei candelam accensam, & dicat:
¶ Domine exaudi orationem meam.
¶ Et clamor meus ad te veniat.
¶ Dominus vobis cum. &c.

OREMUS.

Domine JESU Christe, lux vera, de vero lumine: quæsumus clementiam tuam; ut per intercessionem Beatissimi FRANCISCI mentem parvuli hujus illumines: ut cum ad annos discretionis advenerit; sancto tibi animo, corporaque deserviat. Qui vivis, & regnas in sæcula sæculorum. Amen.

Postea benedicat Puerum, offerendo eum super Altare dicendo:

Confirma Deus in Puer [Puella] quod in eo (ea) operari fecisti, à templo sancto tuo: deducat eum (eam) Spiritus tuus bonus in terram rectam, & Benedictio tua sit super eum [eam] semper. Amen.

Deinde reddat eum Parentibus; & conversus ad circumstantes dicat:

Benedicat vos divina Majestas, Pater † & Filius † & Spiritus Sanctus. † Amen.

Ad exuendum Puerum post annum.

CXXI. **A** Djutorium nostrum. &c.
¶ Domus vobis cum. &c.

ORE